



Universitätsbibliothek Paderborn

V. P. Gasparis Družbicki, Societatis Jesu, Opera Omnia Ascetica

Aucta Duobus Opusculis De Effectibus, Fructu, Et Applicatione Sanctissimi
Missæ Sacrificii, Et De Sublimitate Perfectionis Religiosæ. Catalogum
Tractatum Asceticorum Omnium Vicina Post Dedicacionem Pagina
Indicabit

V. P. Gasparis Družbicki, Societatis Jesu, In Dominicas Anni Totius
Meditationes

Družbicki, Kaspar

Ingolstadii, 1732

VD18 9006643X

Dominica Gloriosæ Resurrectionis.

urn:nbn:de:hbz:466:1-45459

neus est. O quis mihi det ut asellus tuus sim mihi Jesu! dent alii tibi divitias suas, erogent substantiam in pauperes, ramos trophæaque in gloriam tuam erigant, statuam, ferant, substernar ego tibi & sufficit mihi! Onus meum, amor meus, pondus meum, honor meus.

DOMINICA

Gloriosæ Resurrectionis.

1. *Emerunt aromata ut ungerent.* Joan. 20.

Considera diligentiam istarum mulierum in preparandis aromatibus Corpori Christi mortui ungerendo, sciebant unctum esse antepulturam, non tamen contentæ, novam unctionem parârunt. Hæc ille Christo, summo manere facere cognatæ, magnoque sumptu. Tu vide, quantum adhibeas studium ad corpus Christi vivum gloriosumque honestandum? quam ad illud ruditer & inparatè accedis? quàm nulla affers aromata virtutum, devotionis, fervoris, desiderii? Indignare tibi ipsi, teque diligentius prepara: cogitans, quàm indignum sit, ut Christi corpus, post tantas à Judæis toleratas defædationes jam glorificatum, resurgens, hodie tamen abste perceptum, eo ipso glorificationis suæ die, à te conspurcetur; omnino si rectè attendis, illis Christi Crucifixoribus deterior es; illi enim Christi resurgentis Corpori nihil intulerunt injuriæ, tu autem etiam in cælis beatifico, infligere multos contemptus non vereris.

2. *Ecce locus ubi posuerunt eam.*

EN admirandi materiem. Intuere Christum sub panis specie in altari ante oculos tuos, in

g. Druiz :
bicki
oper: ascel
Tomus III
N: V
58

in manibus tuis, in ore tuo; & si potes, mirare
 dicens: Ecce locus ubi posuerunt eum! ô lo-
 cus! ô ubi! locus os meum, lingua mea, cor
 meum, Digniùs forsan nuper fuit JESUS positus
 in Cruce, vel sepulchro, quam in ore meo, quam
 in corde meo. Positus fuit in Præsepio quon-
 dam, sed à Virgine, & in Cruce, sed à seipso,
 oblatu enim est quia ipse voluit; in sepulchro,
 sed ab amicis; At in ore, & in corde meo à quo
 positus; A sua quidem benevolentia in resurre-
 ctionem; sed vereor, ne etiam à mea negligen-
 tia, in ruinam mihi! Adeste dulces lacrymæ ad-
 mirationis, gratiarum actionis, Ecce locus ubi
 posuerunt eum!

3. *Veniunt ad monumentum orto jam sole.*

Vere ita, ibant enim ad mortuum qui jam re-
 surrexerat; ibant ergo, orto jam sole, redi-
 vivo jam Christo. Etiam nunc peccatores eunt
 ad monumentum suæ animæ orto sole Gratia in
 cordibus suis, quæ illos monet ad pœnitentiam.
 Ut nam hanc Dei gratiam, seriò cognoscant!
 sed videas alios currere ad monumentum, quam-
 vis jam sit ortus sol, hoc est redire ad peccata
 antiqua, quæ Paschæ diebus istis abjecerant, & à
 quibus surrexerant, planè ac si ideò resurre-
 xisset Christus, ut ipsi reperere possint tandem
 sua monumenta. Vide ne tu sis horum similis,
 ne tibi quadret illud Quàm vilis facta est filia
 Sion iterans vias suas. Pedes lavisti tuos, quo-
 modo iterum inquinabis eos? Exuisti te tunicâ
 tuâ, quomodo iterum indueris illâ? ô Domine
 aliquando incipiam sapere!

4. *Jesus queritis crucifixum.*

Considera, Christum eductis è limbo Patri-
bus ad vitam redire; Corpus illud nuper
laniatum & sciatum ad gloriam surgere, esse
jam clarum impassibile, agile, subtile; animam
plenè esse beatam; visitare Matrem suam, adire
& solari lugentem Petrum, plorantem Magda-
lenam, dispersos discipulos congregare, pacem
congregatis dare; Gratulare hæc omnia Chri-
sto, te ipsum junge in Spiritu omnibus istis Chri-
sti visitationibus, singulas specta, mirare dulce-
dinem Jesu gusta, & si cum patibili contempto-
que adhuc, versari dulce fuit, quam dulcem
erit cum glorioso? Pete à Christo ut te educat à
limbo & limo imperfectionum & tenebrarum,
inducat autem in admirabile lumen suum, faciat
te ita redivivum, ut nunquam moriaris Deo;
subjiciat perfecte totum corpus animæ, ut non
dominetur tibi ulla immunditia; faciat te clarum
Superioribus & intimè cognitum, faciat mortifi-
catum & dominas passiones habentem; faciat
te subtilem patientia, & omnium humanarum
rerum contemptorem; faciat agilem ad omnem
nutum obedientiæ, faciat denique immortalè,
per Sanctam in bono perseverantiam. Si te his
donis beârit, convertat te ad proximorum salu-
tem, ad auxilia, ad pœnitentes sanctificandos,
ad lugentes solandos, ad confirmandos vacilan-
tes, ad animandos timidos, ut verè olim possis
usurpare illud quod Christum usurpasse Resur-
gentem credibile est, quando scilicet morsuo,
Patri æterno pro sui resurrectione & gloria gra-
tias agens dixit. Convertisti planctum meum
in gaudium mihi, contidisti sacco meum, &

circum-

g. Druez
bicki
opert. abceet
Tomus III
N: V
58

circumdedisti me lætitiã, ut cantet tibi gloria mea, & non compungar amplius meâ tristitiã aut imperfectione atque peccato, sed tibi semper in novitate serviam Redemptori Domino Deo meo æternum.

Feria II. Dominicæ

Paschatis.

1. Loquebatur ad invicem de his.

A Udi querelas duorum istorum discipulorum, dolorem de Christi morte, insuper incredulam desperationem; & vide, quàm facile in peccata prouant homines, cùm à Dei præsidio discedentes, suæ nimirum industriæ sapientæque fidunt.

2. Dum fabularentur & secum quærerent.

A ttende quàm facile sit JESUM allicere. Loquere bona, loquere de JESU, & ipse JESUS appropinquans ibit tecum. O verè delicia tuæ JESU, esse cum filiis hominum, ad quos tam facile pellici te sinis. O me ingratum! qui tam facile medio tam raro utor, & cui dubium quod tuam præsentiam non amem? cui dubium quod per me solum stat quominus te mecum habeam? sanè ibi homines cupidissimè agunt, ubi suas delicias habent, illucque facillimè trahuntur, ubi sciunt esse quod amant. Quia ergo tu propter sermones nostros de te habitos, ad nos accurris, certum est tuas inter nos delicias esse. O anima mea si JESUM amas, hoc illi amoris argumentum exhibe; ama sermones pios, de illo loquere, & ipse appropinquabit tibi!